

# DEPPE APP

005685 061 27  
T-921.417.585-6  
C&A Rohrer Daniel IPI 00072 97 75 37

I bi e Löl, e blöde Siech, e Glünggi un e Sürmu  
I bi ne Tubel, i bi ne toubi Nuss  
Läck mir, was bini für ne Depp  
Zum Glück hani mis Deppe App

Troche, warm u Himmelblau  
Der Rägeschirm hani daheime g'lah

Ha churzi Hose es T-Shirt aa  
Aber pfludinass stah n i im Räge da

I bi verlore irgendwo  
I tippe uf mim Navi Start u Zielort ii

U i finge nümme hei  
U merke dass vor der Hustür bi

Gsehni us wie n' e Depp  
I bi doch ke dummi Nuss

I weiss aues, i chume druus  
Zum Glück isch d's Deppe App itz duss!

Mit tuusig Fründe bini vernetzt  
I tippe was i mache, woni itze de grad bi

U es wärde jede Tag no meh  
De gschpüri nid wie einsam dasi bi

Gsehni us wie n' e Depp  
I bi doch ke dummi Nuss

I weiss aues, i chume druus  
Zum Glück isch d's Deppe App itz duss!

Für alles u für nüt, gits hüt es App, - das isch doch guet  
Bir Bank, bir Poscht, bim Chrämerlade, - chni eis ga abelade  
Alles woni mache wird - nöime regischtriert  
Mi Puls, mi Schritt wird gmässe - u ds App seit mir was i söll ässe  
Jede wo grad wott, - cha mi verfolge wenn er wott  
U cha wüsse was i hasse, - u weiss was i nid darf verpasse  
Total ohni Zwang - leg i mys Läbe ufe Tisch  
I zahle no derfür - u gloube, dass das d Freiheit isch

Bini würklech so n e Depp?  
Bini würklech so n e Nuss,  
Bini würklech so n e Depp?  
Bini würklech so n e Nuss,

Weiss nid mau wiemes löscht das Tubel-App  
Zahlt hani ou no für dä Stuss  
Was weiss das App scho was i wett  
Itz wüschis wägg, u hoffe es syg de Schluss!

Früecher hani no Musig gmacht,  
Ha Teggschte greimt u komponiert  
Hüt cha das mys Deppe-App vil besser als ig  
Drum chanis grad so guet la sy

